



Broj: 01/1-02-_____/16
Ilijaš, 26.07.2016. godine

Z A P I S N I K

sa 42. (četrdesetdruge) sjednice Općinskog vijeća Ilijaš, održane dana 26.07.2016. godine, sa početkom u 10h.

Četrdesetdrugom sjednicom OV-a Ilijaš predsjedavao je zamjenik predsjedavajućeg Općinskog vijeća Ilijaš g-din Mahir Dević.

Prisutni vijećnici:

RB.	IME I PREZIME
SDA	
1	MAHIR DEVIĆ
2	-
3	SAUDIN DURMIĆ
4	HALID DIZDAREVIĆ
5	MUAMERA MASNOPITA
6	MUAMER DERVIŠEVIĆ
7	FAHIR HASANOVIĆ
8	RASIM ŠEHIĆ
9	SELMA PUŠINA
SDP	
10	-
11	MARIONETA ILIĆ-JURETA
12	-
13	-
SBB	
14	ADEM EFENDIĆ
15	NIJAZ MAŠIĆ
16	SEAD ŠEHIĆ
17	AKIF BEŠLIJA
SAMOSTALNI VIJEĆNICI	
18	EDHEM HASANOVIĆ
19	ASIM MUJIĆ
20	NIHAD BUČUK
21	ENES DIZDAREVIĆ
STRANKA ZA SREDNJE	
22	BESIM GLJIVA
23	AIDA MALIŠEVIĆ

	LDS
24	-
	BPS
25	MUHAMED HANDŽIĆ

Odsutni vijećnici:

1. Nedžmija Matoruga
2. Alan Šerak
3. Damir Filipović
4. Selver Herić
5. Nijaz Rastoder

Prisutni gosti:

1. Aida Muratović - Radio Ilijaš
2. Mehmed Smajlović – predsjednik Savjeta MZ Mrakovo
3. Alen Matoruga – predsjednik Savjeta MZ Misoča

Ostali prisutni:

1. Akif Fazlić – općinski načelnik
2. Merima Osmanović – pomoćnik načelnika
3. Zdravko Barić – pomoćnik načelnika
4. Sadeta Brkić – pomoćnik načelnika
5. Meliha Avdibegović – pomoćnik načelnika
6. Ilda Kahrman – sekretar OV-a Ilijaš
7. Adha Masnopita – stručni saradnik u Službi za društvene djelatnosti
8. Sadik Alić – komunalni inspektor
9. Maida Habibović – zapisničar

Predsjedavajući je otvorio sjednicu i konstatovao da postoji kvorum za odlučivanje.

Dao je na razmatranje zapisnik sa 41. sjednice OV-a. Primjedbi nije bilo, pa je OV-e jednoglasno usvojilo zapisnik sa 41. sjednice.

Kazao je da su predložene dopune dnevnog reda i to: pod tačkom 13. Prijedlog Odluke o davanju saglasnosti za zaključivanje i potpisivanje Aneksa Ugovora o prodaji, pod tačkom 14. Prijedlog Odluke o izmjeni Odluke o neposrednoj pogodbi za prodaju neizgrađenog građevinskog zemljišta i pod tačkom 15. Prijedlog Odluka o usvajanju i provođenju Regulacionog plana Mrakovo.

Primjedbi nije bilo, pa je OV-e jednoglasno usvojilo slijedeći

DNEVNI RED

1. Vijećnička pitanja i inicijative
2. Izvještaj o realizaciji zaključaka sa 41. sjednice
3. Prijedlog Odluke o izmjenama i dopunama Odluke o izvršavanju Budžeta Općine Ilijaš za 2016. godinu
4. Prijedlog Izmjene i dopune Budžeta Općine Ilijaš za 2016. godinu
5. Prijedlog Odluka o:

- a) usvajanju Regulacionog plana Mrakovo
- b) provođenju Regulacionog plana Mrakovo
- 6. Prijedlog Odluke o utvrđivanju Plana parcelacije i utvrđivanje novog građevinskog zemljišta za izgradnju apartmanskog naselja Bioča I
- 7. Prijedlog Odluke o utvrđivanju novog građevinskog zemljišta i Plana parcelacije za izgradnju apartmanskog naselja Bioča II
- 8. Prijedlog Zaključka o ponovnom podnošenju tačke na dnevni red prije isteka roka od šest mjeseci
- 9. Prijedlog Dopunskog rješenja broj:06/1-31-161/15
- 10. Prijedlog Odluke o neposrednoj pogodbi za prodaju neizgrađenog građevinskog zemljišta (k.č.br.1281/13 novi premjer)
- 11. Prijedlog Odluke o neposrednoj pogodbi za prodaju neizgrađenog građevinskog zemljišta (k.č.br.965/8 novi premjer)
- 12. Prijedlog Odluke o neposrednoj pogodbi za prodaju neizgrađenog građevinskog zemljišta (k.č.br.28/2 novi premjer)
- 13. Prijedlog Odluke o dopuni Odluke o načinu i uslovima prodaje neizgrađenog građevinskog zemljišta br.01/1-02-1439-8/14 od 26.06.2014. godine
- 14. Prijedlog Odluke o davanju saglasnosti za zaključivanje i potpisivanje Aneksa Ugovora o prodaji
- 15. Prijedlog Odluke o izmjeni Odluke o neposrednoj pogodbi za prodaju neizgrađenog građevinskog zemljišta

AD-1

Vijećnička pitanja i inicijative

MUHAMED HANDŽIĆ – vijećnik BPS-Sefer Halilović

Pitanja:

1. Kada će biti postavljeni usporivači saobraćaja kod Područne škole u Gornjoj Bioči?

Obrazloženje: Područna škola u Gornjoj Bioči je i jedina škola u Općini Ilijaš koja nije obezbjeđena ni horizontalnom niti vertikalnom saobraćajnom signalizacijom, kao i cijela dionica regionalnog puta od Starog Ilijaša do Ahatovića. Također, bitno je napomenuti da je ova dionica puta veoma frekventna i da su česti slučajevi divljanja nesavjesnih vozača na istoj, te su samim tim ugroženi svi oni koji se u tom momentu nalaze na putu, a posebno djeca koja autobusko stajalište u Gornjoj Bioči koriste kao igralište, jer igrališta u Bioči i nema.

2. Zašto u vrijeme bajramskih praznika i dana šehida nije bilo očišćeno Šehidsko mezarje u Starom Ilijašu?

Obrazloženje: Prilikom obilaska Šehidskih mezarja za dan Šehida naišli smo na pravu sramotu u Šehidskom haremu u Starom Ilijašu. Potupno zaraslo u korov Šehidsko mezarje, popadale zastave sa jarbola, te odgrađeno područje mezarja sa sjevero-zapadne strane su samo neki detalji ove neljudske sramote. Ovo je još jedan od primjera da smo lažovi i poltroni kada se kunemo u čast onih koji su ginuli za ovu zemlju.

Inicijativa:

1. Pokrećem inicijativu da se naziv Sportske dvorane u Ilijašu preimenuje u naziv Sportska dvorana „Rašid Buča“ Ilijaš.

Obrazloženje: Rašid Buča je bio najistaknutiji sportista sa područja Općine Ilijaš koji je poginuo braneći Bosnu i Hercegovinu kao i pripadnik Specijalne policijske jedinice, a samim tim je i jedan od prvih šehida koji su branili i odbranili ovu zemlju. S tim u vezi ovu moju inicijativu prosljeđujem Komisiji za javna priznanja Općinskog vijeća Ilijaš, te od iste zahtijevam da ovom Vijeću do naredne sjednice pripremi Prijedlog Odluke o preimenovanju Sportske dvorane Ilijaš u naziv Sportska dvorana „Rašid Buča“ Ilijaš.

SAUDIN DURMIĆ – vijećnik SDA

Inicijativa:

1. Pokrećem inicijativu prema Direkciji za puteve Kantona Sarajevo da iznađu rješenje za umirenje saobraćaja u naseljenom mjestu Mlini na putu Ilijaš Stari-Misoča.

Obrazloženje: Na pomenutom lokalitetu je gusto naseljeno mjesto i ne savjesni vozači brzom vožnjom ugrožavaju živote ljudi. Molim nadležne da poduzmu konkretne mjere u cilju smirivanja saobraćaja na pomenutom lokalitetu.

2. Pokrećem inicijativu da se omogući naknadna legalizacija vlasnicima izgrađenih građevina na prostoru općine Ilijaš.

Obrazloženje: Obzirom da je zakonski predviđeni rok za legalizaciju izgrađenih građevina na Kantonu Sarajevo tj. Općini Ilijaš završen 31.01.2016. godine, a veliki broj građana vlasnika istih nije znao i proveo proceduru u navedenom roku, predlaže se Općinskom vijeću u Općine Ilijaš da se propisanom procedurom inicijativa uputi u Kanton Sarajevo tj. skupštinsku proceduru radi izmjena i dopuna zakona koji tretiraju navedenu oblast.

Zamjenik predsjedavajućeg Mahir Dević je predložio da se ova inicijativa usvoji kao zaključak. Općinsko vijeće Ilijaš je jednoglasno donijelo slijedeći

ZAKLJUČAK

Obzirom da je zakonom predviđeni rok za legalizaciju izgrađenih građevina na Kantonu Sarajevo tj. Općini Ilijaš završen 31.01.2016. godine, a veliki broj građana vlasnika istih nije znao i pokrenuo proceduru u navedenom roku, Općinsko vijeće Ilijaš upućuje inicijativu Skupštini Kantona Sarajevo da odobri novi rok za legalizaciju i pokrene proceduru za izmjene i dopune Zakona koji tretiraju navedenu oblast.

Pitanje:

1. Kada će biti nastavljene započeti radovi u dovođenju i instaliranju optičkog kabla od strane BH Telecoma na prostoru općine Ilijaš?

Obrazloženje: Prošle godine, pompezno i ambiciozno je najavljena i započeta aktivnost dovođenja optičkog kabla za MZ Podlugovi, MZ Mrakovo, MZ Ljubnići i MZ Lješevo od strane BH Telecoma Sarajevo. Sa današnjim danom stanje je katastrofalno i neodrživo, jer započeta aktivnost je napušтана i nedovršena, nama iz nepoznatih razloga, iako su predstavnici navedenih mjesnih zajednica na vrijeme upozoravali predstavnike investitora, izvođače radova, nadzorne organe i nadležne u Općini Ilijaš.

MARIONETA ILIĆ-JURETA – vijećnica SDP-a

Inicijativa:

1. Pokrećem inicijativu da se već jednom uradi projekat za uređenje korita rijeke Ljubine na području MZ Ljubina na kritičnim područjima gdje stalno dolazi do poplava, te da se što prije sanira šteta od prekučerašnjih poplava.

Pitanje:

1. Hoće li se formirati Komisija koja obilazi poplavljena područja i kome se građni mogu obratiti za nadoknadu štete?

MUAMER DERVIŠEVIĆ – vijećnik SDA

Inicijative:

1. Tražim od općinskog načelnika Akifa Fazlića i od Službe za privredu, finansije i investicije da izađu u susret poljoprivrednicima općine Ilijaš, a u ovom momentu prvenstveno pčelarima tj. da po prijemu zahtjeva za podsticaj u primarnoj poljoprivrednoj proizvodnji odmah reaguju i u roku od 15 (petnaest) dana od prijema zahtjeva obrade isti i izvrše isplatu podsticaja, a s obzirom na činjenicu da imamo planirana sredstva na raspolaganju za ovu oblast.
2. Tražim od JU Domovi zdravlja Kantona Sarajevo da obezbjede pedijatra u Domu zdravlja Ilijaš u prvoj i drugoj smjeni radnim danima i da vikendom pedijatar koji je raspoređen u Organizacionoj jedinici Ilijaš dežura u Ilijašu, a ne u nekom drugom domu zdravlja u Sarajevu, kako bi se djeci sa područja Ilijaša omogućilo liječenje kao i drugoj djeci u Sarajevu.
3. Pokrećem inicijativu, koju tražim da se pretoči u zaključak, prema Kantonalnoj javnoj ustanovi zaštićena područja Sarajevo da donesu odluku, u što kraćem roku, da se građani općine Ilijaš oslobode plaćanja ulaza na Bijambare. Napominjem da je gore navedena ustanova istu takvu odluku donijela za građane općine Ilidža za područje Vrela Bosne.

Općinsko vijeće Ilijaš je jednoglasno donio slijedeći

ZAKLJUČAK

Općinsko vijeće Ilijaš traži od Kantonalne javne ustanove za zaštićena prirodna područja Sarajevo da donese Odluku u što kraćem roku, da se građani općine Ilijaš oslobode plaćanja ulaza na Bijambare, obzirom da je ista Odluka donesena za građane Općine Ilidža za područje Vrela Bosne.

HALID DIZDAREVIĆ – vijećnik SDA

Inicijativa:

1. Pokrećem inicijativu prema budućem Organizacionom odboru Manifestacije „Ilijaški dani“ da ubuduće, prilikom planiranja organizovanja Manifestacije „Ilijaški

dani“ izbjegnute ovakav vid organizovanja ove manifestacije jer je nezadovoljstvo građana općine Ilijaš ogromno. Građani su bili spremni da pišu peticiju. Naime, radi se o tome da određeni sadržaji ove manifestacije nisu bili na primjerenom mjestu, a radi se o šatoru sa muzikom uživo koji je bio lociran na platoru KSC-a neposredno uz gradsku džamiju. Niko nije protiv takvih sadržaja, ali postoje i druga mjesta izvan centra grada za sadržaje takvog tipa.

AIDA MALIŠEVIĆ – vijećnica Stranke za Srednje

Prvo da se zahvalim načelniku gospodinu Akifu Fazliću na posjeti i obilasku poplavljenih mjesta u Srednjem. Ujedno bih zamolila ili njega ili nekog iz nadležne općinske službe da nam daju informacije o pričinjenoj šteti, šta je juče u toku dana sanirano, urađeno i preduzeto i šta se planira uraditi kako se poplave i dalje ne bi dešavale?

Inicijativa:

1. Pokrećem inicijativu da se korito rijeke ispred ambulante Srednje dovede „u red“. To je jako zapušteno i još je gore kako su posljednji izvođači uredili korito i obalu rijeke. Sad je to leglo zmija, jer je sve u kamenu i predstavlja veliku opasnost za građane. Nešto je bilo govora da će se to još doraditi i zaliti betonom pukotine, ali svjedoci smo da se ništa još ne radi, pa me zanima šta je poduzeto po tom pitanju?

BESIM GLJIVA – vijećnik Stranke za Srednje

Inicijativa:

Pokrećem inicijativu da hitno Direkcija za ceste Kantona Sarajevo putem svoje službe izradi projekat temeljite sanacije puta Donji Čevljanovići-Gajeви koji je, i pored čestih upozoravanja za potrebu izgradnje potpornih zidova, uveliko stradao i prijeti njegovo totalno urušavanje na nekim dijelovima puta.

AKIF FAZLIĆ – općinski načelnik

Svi smo informisani da je dio područja MZ Srednje, MZ Gajeви i MZ Kamenica zahvatila ova prirodna nepogoda. Moramo uzeti u obzir da je to bila nesreća ili elementarna nepogoda kakvu najstariji građani tog područja nisu zapamtili. Nažalost, štete su zaista velike. Ono što je mene najviše pogodilo jesu štete na stambenim objektima, poslovnim i privrednim objektima. Što se tiče infrastrukture naći ćemo načina da se s tim izborimo. Najteže je prošao put Donji Čevljanovići-Gajeви gdje je bio i obustavljen saobraćaj, a također su oštećeni putevi Srednje-Rača, put prema Frgaju, put prema Vukasovićima. Ono što je mene ohrabrilo i mislim da ćemo uspjeti kroz cjelokupan angažman i općine i ostalih nadležnih institucija Kantona Sarajevo sanirati stanje. Direkcija za ceste je bila sa svojom operativom, juče se saniralo ono što se moglo sanirati i put za Gajeve je prohodan. Ono što je trebalo najelementarnije je urađeno i pokrenuta je prva sanacija (vodosnabdijevanje i saobraćaj su uspostavljeni). Za naknadu štete građani će podnositi zahtjeve i komisija će izlaziti na teren da snimi stanje. U jednom dijelu ćemo pokušati finansijski nadoknaditi štete i u tom smislu smo i podnijeli amandman na predložene izmjene i dopune Budžeta Općine Ilijaš. Ostala sanacija će ići kroz redovne pozicije Budžeta ili iz nekih drugih izvora.

AD-2

Izveštaj o realizaciji zaključaka sa 41. sjednice

Diskutanata po ovoj tački dnevnog reda nije bilo, pa je Općinsko vijeće Ilijaš jednoglasno usvojilo

Izveštaj o realizaciji zaključaka sa 41. sjednice

AD-3

Prijedlog Odluke o izmjenama i dopunama Odluke o izvršavanju Budžeta Općine Ilijaš za 2016. godinu

MERIMA OSMANOVIĆ – pomoćnica načelnika za privredu i finansije

Predlažemo amandman kako slijedi.

U članu 3. izvršiti sljedeće izmjene (po ekonomskoj i organizacijskog klasifikaciji):

Na poziciji u okviru tabelarnog dijela u okviru pozicije TI ekonomski kod "614241- transferi za posebne namjene – elementarne nepogode" u okviru "Izmjena i dopuna Budžeta općine Ilijaš za 2016. godinu" umjesto 10.000,00 treba da stoji 50.000,00.

Na poziciji u okviru tabelarnog dijela u okviru pozicije KI ekonomski kod 821622 – Rekonstrukcije i održavanje puteva" u okviru "Izmjena i dopuna Budžeta općine Ilijaš za 2016. godinu" umjesto 1.805.000,00 treba da stoji 1.765.000,00.

Navedene izmjene replicirat će se na pozicije u okviru članova 2. i 4. na način da će se izvršiti izmjene u okviru navedenih pozicija i ukupnih pozicija, sukladno promjenama iz stava 1. i 2. ovog amandmana.

Obrazloženje: Uvažavajući činjenicu da su jedan dio općine pogodile elementarne nepogode koje su značajno oštetile putnu i drugu infrastrukturu, a kako sredstva predviđena prijedlogom Izmjena i dopuna Budžeta općine predviđena na poziciji elementarne nepogode nisu dostatna da se saniraju nastala štete, to i predlažemo navedeni amandman, te pozivamo Općinsko vijeće da isti usvoji, odnosno da isti postave sastavni dio Budžeta općine Ilijaš za 2016. godinu.

Kada je u pitanju Prijedlog Izmjena i dopuna Budžeta, ovim prijedlogom se utvrđuju ukupni prihodi i primici u iznosu od 12.503.800 KM, što u odnosu na aktuelni plan predstavlja povećanje za 1.028.700 KM odnosno za 9% više u odnosu na aktuelni Plan Budžeta za 2016. godinu.

Ovaj Prijedlog Izmjena i dopuna Budžeta predložen je u realnoj varijanti, te i dalje zahtjeva maksimum angažovanja svih na prikupljanju prihoda, te i dalje podrazumijeva obavezu svih korisnika budžeta na poštovanje fiskalne discipline. Realizacijom ponuđenih Izmjena i dopuna Budžeta u potpunosti bi se i dalje zadržala finansijska stabilnost Budžeta, kao i završili započeti projekti, te realizovao jedan broj novih projekata, pa u tom smislu predlažemo Općinskom vijeću da isti usvoji.

Diskutanata po ovoj tački dnevnog reda više nije bilo, pa je Općinsko vijeće Ilijaš jednoglasno donijelo

Odluku o izmjenama i dopunama Odluke o izvršavanju Budžeta Općine Ilijaš
za 2016. godinu

AD-4

Prijedlog Izmjene i dopune Budžeta Općine Ilijaš za 2016. godinu

Diskutanata po ovoj tački dnevnog reda nije bilo, pa je Općinsko vijeće Ilijaš jednoglasno donijelo

Izmjene i dopune Budžeta Općine Ilijaš za 2016. godinu

AD-5

Prijedlog Odluka o:

- a) usvajanju Regulacionog plana Mrakovo
- b) provođenju Regulacionog plana Mrakovo

MELIHA AVDIBEGOVIĆ – pomoćnica načelnika za prostorno uređenje i stambeno-komunalne poslove

Na lokalitetu Mrakovo-Popovići 3,7 ha planirana je izrada Regulacionog plana za izgradnju individualnih objekata. Procedura donošenja RP prošla je kompletnu, Zakonom propisanu, proceduru. Poslije usvajanja Odluke o pristupanju izradi plana, usvojen je nacrt plana na sjednici OV-a, zatim je održana javna rasprava i na javnoj raspravi, osim vlasnika, nismo imali primjedbi. Primjedbe koje je uložio investitor su u potpunosti prihvaćene i danas imamo ovakav prijedlog plana za usvajanje. Na lokalitetu je predviđeno 9 objekata sa parcelama od 1600 do 6500 m². To je jedna površina za jednom većom građevinskom površinom, a malim brojem objekata. Lokalitet je infrastrukturno obezbijeđen, a na fazu vodovoda i kanalizacije data je i saglasnost Vodostana, tako da nema nikakvih smetnji da se danas ovaj plan ne usvoji.

MEHMED SMAJLOVIĆ – predsjednik Savjeta MZ Mrakovo

Zamolio bih službu i načelnika da u narednoj budžetskoj godini nastavimo sa regulacionim planovima Mrakovo i za ostale dijelove gdje pripada infrastruktura, gdje je potreba i da napravimo jednu cjelinu. Kada je u pitanju infrastruktura, od strane općine i investitora ulažu se maksimalni naponi, ali isto tako i građani MZ Mrakovo prikupljaju sredstva i molim još jednom da prioritarno i planski priđemo ka izradi, odnosno sanaciji i izradi putne i svake druge komunalne infrastrukture.

Diskutanata po ovoj tački dnevnog reda više nije bilo, pa je Općinsko vijeće Ilijaš sa 17 glasova ZA i 1 UZDRŽANIM donijelo

Odluku o:

- a) usvajanju Regulacionog plana Mrakovo
- b) provođenju Regulacionog plana Mrakovo

AD-6

Prijedlog Odluke o utvrđivanju Plana parcelacije i utvrđivanje novog građevinskog zemljišta za izgradnju apartmanskog naselja Bioča I

Diskutanata po ovoj tački dnevnog reda nije bilo, pa je Općinsko vijeće Ilijaš sa 16 glasova ZA i 2 UZDRŽANA donijelo

Odluku o utvrđivanju Plana parcelacije i utvrđivanje novog građevinskog zemljišta za izgradnju apartmanskog naselja Bioča I

AD-7

Prijedlog Odluke o utvrđivanju novog građevinskog zemljišta i Plana parcelacije za izgradnju apartmanskog naselja Bioča II

Diskutanata po ovoj tački dnevnog reda nije bilo, pa je Općinsko vijeće Ilijaš sa 16 glasova ZA i 2 UZDRŽANA donijelo

Odluku o utvrđivanju novog građevinskog zemljišta i Plana parcelacije za izgradnju apartmanskog naselja Bioča II

AD-8

Prijedlog Zaključka o ponovnom podnošenju tačke na dnevni red prije isteka roka od šest mjeseci

Diskutanata po ovoj tački dnevnog reda nije bilo, pa je Općinsko vijeće Ilijaš sa 13 glasova ZA i 5 UZDRŽANIH donijelo

Zaključak ponovnom podnošenju tačke na dnevni red prije isteka roka od šest mjeseci

AD-9

Prijedlog Dopunskog rješenja broj:06/1-31-161/15

AKIF FAZLIĆ – općinski načelnik

Ovo je vezano za apartmansko naselje Popovići, do sada, jedino uspješno realizovano naselje. Sve se može vidjeti kako je proceduralno prošlo i kakvi su finansijski efekti na Budžet Općine Ilijaš. U završnoj smo fazi ovog projekta. Izdate su i građevinske dozvole i utvrđen je javni interes za vodotok. Vijeće je utvrdilo javni interes i kroz pokrivanje tog javnog interesa i na nekih šest lokacija iz tog utvrđenog javnog interesa je izostalo i sada se kroz ovo predloženo Dopunsko rješenje. Ovo je vodovod koji će izgraditi investitor koji će predati i u vlasništvo i na upravljanje JKP "Vodostan". Ovo je vodovod koji je u vlasništvu općine, a njime će upravljati JKP "Vodostan".

ADEM EFENDIĆ – vijećnik SBB-a

Šta ćemo u slučaju ako i druga apartmanska naselja budu tražila da se ovako snabdijevaju vodom? Šta se u tom slučaju planira?

AKIF FAZLIĆ – općinski načelnik

Kroz regulacioni plan se ove stvari utvrđuju. Zavod za planiranje i projektanti su kazali da je to rješenje. Mi smo kroz izradu regulacionog plana izdefinisali da se ovo pitanje riješi. Tako i za sva ostala naselja će se rješavati.

Na zahtjev KV SBB-a uslijedila je pauza od pet minuta.

Pauza od 11:10-11:15h.

NIJAZ MAŠIĆ – vijećnik SBB-a

Načelnik je dao garancije da građani neće biti ugroženi ovim priključkom vode i mi ćemo ovo sada podržati, ali ubuduće za iduću kalendarsku godinu, najavljujemo i insistiramo da načelnik i službe znaju, da od prikupljenih sredstava za apartmanska naselja, da se u budžetu namjenski predvidi da dio tih sredstava de za vodosnabdijevanje.

Diskutanata po ovoj tački dnevnog reda više nije bilo, pa je Općinsko vijeće Ilijaš sa 17 glasova ZA i 3 UZDRŽANA donijelo

Dopunsko rješenja broj:06/1-31-161/15

AD-10

Prijedlog Odluke o neposrednoj pogodbi za prodaju neizgrađenog građevinskog zemljišta (k.č.br.1281/13 novi premjer)

Diskutanata po ovoj tački dnevnog reda nije bilo, pa je Općinsko vijeće Ilijaš jednoglasno donijelo

Odluku o neposrednoj pogodbi za prodaju neizgrađenog građevinskog zemljišta (k.č.br.1281/13 novi premjer)

AD-11

Prijedlog Odluke o neposrednoj pogodbi za prodaju neizgrađenog građevinskog zemljišta (k.č.br.965/8 novi premjer)

Diskutanata po ovoj tački dnevnog reda nije bilo, pa je Općinsko vijeće Ilijaš jednoglasno donijelo

Odluku o neposrednoj pogodbi za prodaju neizgrađenog građevinskog zemljišta (k.č.br.965/8 novi premjer)

AD-12

Prijedlog Odluke o neposrednoj pogodbi za prodaju neizgrađenog građevinskog zemljišta (k.č.br.28/2 novi premjer)

Diskutanata po ovoj tački dnevnog reda nije bilo, pa je Općinsko vijeće Ilijaš jednoglasno donijelo

Odluku o neposrednoj pogodbi za prodaju neizgrađenog građevinskog zemljišta (k.č.br.28/2 novi premjer)

AD-13

Prijedlog Odluke o dopuni Odluke o načinu i uslovima prodaje neizgrađenog građevinskog zemljišta br.01/1-02-1439-8/14 od 26.06.2014. godine

Diskutanata po ovoj tački dnevnog reda nije bilo, pa je Općinsko vijeće Ilijaš jednoglasno donijelo

Odluku o dopuni Odluke o načinu i uslovima prodaje neizgrađenog građevinskog zemljišta
br.01/1-02-1439-8/14 od 26.06.2014. godine

AD-14

Prijedlog Odluke o davanju saglasnosti za zaključivanje i potpisivanje
Aneksa Ugovora o prodaji

Diskutanata po ovoj tački dnevnog reda nije bilo, pa je Općinsko vijeće Ilijaš jednoglasno donijelo

Odluku o davanju saglasnosti za zaključivanje i potpisivanje Aneksa Ugovora o prodaji

AD-15

Prijedlog Odluke o izmjeni Odluke o neposrednoj pogodbi za prodaju neizgrađenog
građevinskog zemljišta

Diskutanata po ovoj tački dnevnog reda nije bilo, pa je Općinsko vijeće Ilijaš jednoglasno donijelo

Odluku o izmjeni Odluke o neposrednoj pogodbi za prodaju neizgrađenog građevinskog
zemljišta

Zatim je predsjedavajući Općinskog vijeća Mahir Dević, zaključio 42. sjednicu u 11:20h.

Zapisničar:
Maida Habibović

ZAMJENIK PREDSJEDAVALA
OPĆINSKOG VIJEĆA ILIJAŠ

Mahir Dević, prof.

Ul. 126. ilijaške brigade br. 6, 71380 Ilijaš
Tel. ++387 33 580-620, 580-698, fax. 400-505,
Transakcijski račun kod VAKUFSKE BANKE,d.d. Sarajevo:1602000000710645
e-mail ov@ilijas.ba
Broj certifikata:20938

